

同治常甯志卷九 藝文

藝文 經史子集

經類

明段晉錫易經解 嘉慶通志

國朝蕭洪治周易復古 學易圖 明易圖 嘉慶通志

顧奕芬序畧理學名儒窮易理者指不勝屈邵子補先天四圖闡于餘年未發之蘊朱子推尊之數百年來鮮有窺其奧者宜陽蕭先生高年碩儒也不慕榮祿經史百家靡不究心玩索齒登期頤手不釋卷所著學易圖明易圖極深研幾發康節所未發

王祚隆易經解 學庸解 嘉慶續志

段昌綸大易集解 嘉慶縣志

同治常甯志 卷九 藝文

王名成學庸解 嘉慶通志

詹文彬周易補義 四書推 嘉慶通志

段巘生易經纂義 嘉慶通志

李繼聖春秋經傳合解二十卷 嘉慶通志

段梧生韻典 韻鉢 嘉慶通志

王萬鼇三易圖說四卷 嘉慶通志 萬鼇字集虛

嘉慶縣志雜志乾隆三十九年徵求遺書巡撫巴公批云三易之名周易獨傳連山歸藏談者或少是書繪之以圖闡之以說妙即證以聖人說卦之旨真有功於三聖足補先儒所未備

段簡生易經註釋 嘉慶通志

張渾遠正字評五卷 嘉慶縣志

王禧齡春秋左傳後編十卷

嘉慶縣志 宜陽詩選 禧齡字韋伯畱 心史學遵 陽之綱以為經探國策荀韓及西漢諸子史為傳起

魯悼終魯平著春秋左氏後編年僅三十嘔血而亡

段岐生學庸精義

嘉慶續志

段嵩生學庸解

嘉慶續志

段永孝學庸講旨

嘉慶續志

段永雋四書經引十卷

嘉慶續志

陳聖清春秋經傳通釋十二卷

嘉慶續志

王紳經疑二十四卷

詩序序註分疏

春秋長歷補

字比

嘉慶通志

王國黷三易合攷

國黷字莪士歲貢

同治常甯志

卷九

藝文

唐先榮序畧表弟王子莪士精於易其家傳也莪士之伯著三易圖說為中丞巴公所稱賞莪士繼其志作三

易台攷

四書摘要

嘉慶續志

賀代保讀易示斯三卷

嘉慶續志 代保字寅亭拔貢

吳山簡經傳彙貫四卷

嘉慶續志 山簡字青岡

張 鉉易經解

李文昊十三經古義古音攷二十卷

沅湘耆舊集

夏小正集

註二卷

毛名珖儀禮圖註二卷

名珖增生 學名梅溪

張世翼鄉黨典義二卷

王修齡易經集義六卷

書經析義六卷

中庸約旨

一卷

李祖程左傳彙纂祖程字慕溪諸生性迂拙好研經有左傳癖門下多知名士家貧得館金

常以遺弟

李德淑周易經句異文通詰三卷德淑字懿圃監生

百序秦燔典籍易以下筮獨存則文字似無同異晁氏日商瞿受易孔子五傳而至田何漢之易家蓋自田何始何授丁寬寬授田王孫王孫授沛人施讐蘭陵孟喜瑯琊梁邱賀劉向以中古文校施孟梁邱經脫去无咎悔亡四字始有齊楚之異音卒有科斗籀篆隸書之更變訛謬滋多向皆以中古文定東郡京君明與施孟梁邱稱四家然其文不與三家合故別為京氏學費長翁傳異其本皆古字號古文易歐陽永叔謂孔子古經已亡費氏經與古文同則古經何嘗亡哉東漢傳費氏學者荀劉馬鄭其最著也王伯厚集周易康成註一卷明黃岡樊維城編鹽邑志林載吳陸公紀易解一卷晉干合升易解二卷皆抄撮其僅存者彙行之非完書也唐

同治常甯志

卷九

藝文

三

李鼎祚集解採子夏易傳以下三十五家之說不用輔嗣錄老莊意解易則漢學賴以存者恃此余究心於易之異文有年矣以今所行王弼本而證以諸家本與王異者集而錄之並攬撫於陸氏釋文許氏說文與夫經註疏所見遷史內所有班范兩書所載六朝說部所引或字異而音同或義同而字異又或音義雖同而字分古今靡不旁搜博攷哀合以成第彙其訓詁之通不辨其解說之異體例攸關懼龍雜也故名之日異文通詰焉然挂漏之譏知不克免况家藏渺善本訛舛豈無寓內博洽鴻儒訂訛拾漏匡余不逮焉則幸甚

尚書經句異文通詰五卷 毛詩經句異文通詰七卷

百序詩自齊魯韓毛分為四家有音同而字異者有義同而字異者且有音與字皆異而義仍同者后蒼作齊詩轅固為之傳書已亡於魏代申培魯人作魯詩西晉開而書亡燕人韓嬰作內外傳數萬言唐時猶存宋初始佚故其文義所存較多於二家今惟毛詩獨行焉漢季康成作箋申明毛義以難三家於是三家遂廢然異文未盡佚也子之還兮以為營四國是皇之為匡齊詩說也熹平石刻蔡邕以魯詩書丹於碑今載洪道隸釋

楚元王受詩於浮邱伯子政元王之後凡新序說苑列女傳所引者皆依魯鄆人豐坊著魯詩世學託言家有其書傳自遠祖稷又恃善書以篆隸體偽為正始石經而其文仍與毛傳同則不待智者而知其欺矣韓詩今惟存外傳然多雜說大抵引詩以證事而非引事以解詩薛漢父子世習韓詩作為章句文選所引薛君章句者韓詩也王伯厚綱羅散佚參取三家異同撰為詩攷朱竹垞經義攷云六卷今欽定四庫全書所載只一卷余家所藏附於玉海後者亦只一卷毛子晉津逮秘書胡文煥格致叢書張海鵬學津討原所采皆一卷不知朱氏所見何本也且困學翁所錄尚多遺漏又未註明某篇某卷某字之音義若何學者難於檢尋淑肄習之餘以毛氏為宗主而博探羣帙之訓詁廣按字書之通釋其中訛謬或不克免然亦可補王氏之缺俾世之讀毛詩者得於是證異同云

李澤周易印心五卷 澤字惠堂諸生

季次山序解周易者肇於孔子傳孔子之易者盛於漢自正義用王弼韓康伯註而漢學漸衰至陳邵圖出又

同治常甯志 卷九 藝文 四

歧為宋學禰宋祧漢而漢學益微趙紫芝詩輔嗣易行無漢學豈盡輔嗣咎耶幸漢儒易說散見於羣籍微引畧備於李氏集解是孔子之易猶可即漢學以窺匡略也吾師惠堂先生皓首挈經覃思易理於漢以後諸家註解獨取前明瞿唐來氏拾遺匡謬著周易印心五卷手自繕錄四脫烹而後成諉次山參校謹受而讀之嘆曰是書也其即發明漢學者歟夫來氏所謂錯綜者即虞仲翔所謂旁通反對也所謂爻變者即焦延壽所謂一卦變為六十四卦也所謂中爻者即互體左氏已有其法鄭康成尤多用之虞仲翔則兼取之也攷虞氏焦氏傳孟氏之學鄭氏傳費氏之學皆易家正軌先生宗來氏即津逮漢學而上印孔子之心以上印必犧文王周公之心者也至其詳逸象亦本於虞證史事即沿於鄭無非推闡漢學特於虞氏卦變辨駁不遺餘力則又棄所當棄以視狙於鄭氏爻辰虞氏卦氣焦氏納甲飛伏至失之穿鑿流為方術者相去又何如耶先生工書法學業淹通嘗著有天學啓蒙時氣集要而尤邃於易次山登堂請業先生譚易衮衮弗勅得聞所未聞而歸竊念次山少未讀易先旌君口授大義既讀先大父音義叢攷頗識易學原流敘先生之書未審能與先生心

相印
否也

王銓易圖四卷

邵棻序畧予識雨叔時有垂暮始相識無異在東髮之句繼書楹帖以子號文中儒為世業伯封新建學有真知贈之今觀是書益嘆雨叔見道之精其自得為不可及禮中庸讀一卷

李德騫四書撫遺三十卷 律呂蒙鑰二卷 琴事類

林八卷

詹盛鴻四詩談言十二卷 盛鴻字雁卿顯紳曾孫貧苦力學以織履之餘著書

李含章學庸折衷四卷 含章字雲崖諸生

史類 經史兼者 附於後

明常甯縣志 成化十七年知縣謝廷舉修

同治常甯志

卷九

藝文

五

常甯縣志

萬曆元年知縣陶敬圖修知縣陳動知縣劉自省皆增修之

兵巡道房楠序畧常甯舊有志成化中邑合羊城謝公之所纂修浸尋至今剝蝕殆盡萬曆元年春華亭陶君來宰是邑甫下車慨然有志於斯而旁搜博訪文獻無徵至懸賞以購久之纔得舊刊半部抄本一帙則又紙微墨渝斷爛殘缺乃喟然曰是亦吉光片羽也其敢委諸草莽乎遂與學博侯梁二君及邑諸生編次成帙營建沿革山川物產城郭輿慶之類不過紀盈縮核興廢秩官人物其中微猷姱節芳躅荃軌為典型後人之道故必核之審然後書之詳使夫後之覽者感奮而興起也

國朝常甯縣志十三卷

康熙十二年知縣張問明修縣人殷銘劉綸纂輯

殷銘序古人於志一事一義必詳之非徒後紀載之文亦經世之大法也邑無志則政績不彰懿德弗傳其間山川之奇秀風俗之異同財賦之登耗以及關梁郵舍文事武備諸大端皆茫然無徵亦熙朝闕事也常之志其來已久萬曆初華亭陶公續修雖經增刻而編次失倫簡畧未備浸淫迄今散佚無存蓋百有餘年矣

辛亥歲奉檄修志我輝張侯集多士於湘寺謀編錄以
應上命同人因其事相屬銘屢辭不獲勉為論定竭
意經營始得成帙管窺淺俚良用自慚獨是上述往古
下紀近今錄其事而善惡形乎其中或微或顯惟求義
理之所安是則銘之可盟幽獨者也志成受梓首自封
域終及方外分類別義為卷十三俾觀者不崇朝而極
名勝不移晷而謀百年讀彭杜諸名宦善政美績千祀
不祧而知鷹鷂之不可為鸞鳳之必可傳也讀襲王諸
君子懷仁抱義卓冠古今而知蜉蝣之不可生僊驥之
必可永也奮興百世法戒昭然茲刻之有造於甯豈淺
鮮哉銘用是嘉侯之績而述其梗概

如此俾後之覽者得以知所自焉

常甯縣志二十九卷

雍正十年知縣侯國正修知縣孫

侯國正序事之取材於古者貴博徵信於今者宜確而
常邑之志則有難焉者自有斯土見諸經傳者特滄海
一粟舊志十三條較諸部頗且不及半是一粟中間存
糠屑耳而時之人恆狃於其故由康熙十三年而後德
行道藝卓然可傳者大都如珠之藏玉之韞也未經剖
析亦與魚目砒砒同埋沙礫矣而時之人欲妄增其新

同治常甯志

卷九

藝文

六

夫狃於其故語焉不詳猶可言也妄增其新擇焉不精
則野草閑花蹟混松柏蚋蚊鳴聲亂金石甚且頽垣
廢址李戴張冠梵宇琳宮弱肉彊食其為流弊可勝言
哉於此而示之以博則井觀管窺少見多恠喘月吹日
矣核之以確則蟻聚蝟集公眾我寡銷骨鑠金矣自非
司斯土者引為己任於下賢公卿大夫主持公道於上
其不為道謀者鮮矣恭逢 欽頒合式令天下直省
諸臣纂輯各乘以威車書混一之盛一時名公鉅卿恪
遵惟謹典至鉅也小臣何人而敢隕越於下乎夫論必
久而後定斷自上則不爭故科條之既頒於下者宜旁
搜以創其新而予奪之未請於上者始闕疑以因其故
創其新而補苴張皇該洽經史至於窮天極地而總不
貽面牆之譏扣盤之誚則博而有要視乎其學與識因
其故而編次條貫潤色詩書推之謹小慎微而總不開
依附之漸影射之端則確乎不移視乎其才與守學識
才三者備而濟之以守則視乎其人之責也爰詢謀僉
者之章程以慎擇乎其人之博綜商榷精詳將事焉知
同得一二有道而文者與之博綜商榷精詳將事焉知
我罪我亦姑聽之悠悠者與之博綜商榷精詳將事焉知
古也譬諸作室鳩工庀材大木為栿細木為桷取其博

也又若稽田勤敷苗畚稂莠不除終害嘉穀求其確也
若乃因其所創而費以所聞因其所因而益以所見則
固有待於後之博雅君子事久定斷果確
而無難焉五日之吏敢以冥冥決事哉

常甯縣志三十二卷

嘉慶四年知縣楊純道修
縣人王紳段紹章纂輯

楊純道序余候選京師授常甯縣令賀者曰常甯衡州
名邑俗厚風美紳士樂善不倦遇義舉必爭先焉及蒞
任索志乘不可得次年郡伯田憲取屬事纂入府乘下
檄詣切余集紳士謀修眾欣諾無難辭色余竊疑雍正
壬子修輯後六十餘年時久而緒繁工宏而用大是豈
不期而速不勞而成者歟未數月紳士以志藁乞刪訂
付梓乃知設局經營從事於茲者已力矣披圖而證風
謠四境百餘里開城池臺榭市肆隘塵與夫道路橋梁
坵廬墳墓如大都會肅然可觀山川形勝之處賢詰所
經輒多遺跡士能敦禮義重實行家絃戶誦罔敢或逸
故文風甲衡屬魁儒傑士代有其人其邨落聚處雞犬
桑麻烟火百萬戶男耕於原女織於室勉以勤而勸以
善型仁講讓彬彬乎有古遺風焉若夫闡忠孝之至性
揚節烈之孤芳錄其言語文章流風餘韻足以興曠代

河治常甯志

卷九

藝文

七

之感合人稱嘆不哀嗚乎何其詳而察簡而該序次井
井有條而不紊也夫事倡於一二人而合眾力以濟者
必功專志壹始克有成諸公居鄉有賢行能率其眾是
志也未經謀修以前蚤糾多士議行此舉而諸生心所
樂從量力捐輸毋煩再諭其時廣搜遺事者有人為書
繼作傳記者有人集腋鳩工者又有人莫不勉竭趨事
以逡巡觀望為羞故成功易余益信向所傳
聞者不虛常之士可嘉董其事者更可嘉也

常甯縣續志二卷

嘉慶二十四年知縣葛鳳喈修縣人
吳山高唐成珪段紹弓劉耀淮纂輯

葛鳳喈序畧蒞甯之明年奉文纂修縣志謀諸紳士遵
頒發程式將前志所錄及今所宜增者依類分編繕本
送省復取各條中采自嘉慶五年後者付諸剞劂名曰
常甯縣續志與前志合為一書纂修分編校閱監修昔
邑中諸君子力余簿書稍暇時檢覽披讀用以周知夫
闔邑風土形勝且益見諸往哲之嘉言懿行其淑諸身
垂諸後者非苟焉已也如曰取其
義而筆削之風塵吏則何敢然

段昌總燕遊紀事一卷

嘉慶
縣志

段獻生靖變紀畧

嘉慶通志

朱應瑞河防檢要

嘉慶通志 嘉慶縣志 雜志 乾隆三十九年徵求遺書巡撫巴公批云密

時度勢足參河工之一得

李繼聖奇男女衍義十二卷

嘉慶通志

百序畧溯虞夏訖我朝搜羅絕奇男女得百五十九人列為外內兩篇題曰衍義龔真邱二山太學衍義之號也其人其事千古難追不附論不顯不引類不宏故特闡其不苟一生之志以待夫不可一世之人儒生論事未嘗不善持中正然使粹臨變故首鼠兩端其能長嘆而起含笑而赴則仍屬直致者一流余竊念天之生人治其資性迥絕倫類自當為宇宙樹正模不謂其纖枉無光竹帛也夫神聖之功基於慧勇自褻其天能勿慨然乎

衡郡文獻攷辨六卷 萬年縣志二十四卷

嘉慶通志

同治常甯志

卷九

藝文

八

聶位中序畧衡南李公以名孝廉來宰姚西下車數月諸務游刃有餘創書院以敦教化立學規以正士風政教之餘憫邑乘殘缺集膠序共議新之

段梧生二十一史刪

嘉慶通志

王萬澍諸史義例二卷 衡湘稽古五卷

嘉慶縣志

四庫全書提要

大意以衡湘為古帝王巡狩之區春秋時平楚兼併聖人屏之後人遂忘其先之盛於是歷述伏羲神農黃帝顯頊帝嚳帝舜夏商二代以迄周昭撰為此錄

湖南陽秋十六卷

嘉慶通志 瀟湘聽雨錄 常甯王霍霖萬澍少為名諸生年三十棄業遊

山水閒攷訂湘楚古迹極有根據文筆峭潔嘗取正史自漢以下有涉於湖南者仿綱目義例輯為一書曰湖南春秋自神農氏至秦不能編年別為一書曰衡湘稽古惜多病年四十四歲而卒其書編輯至隋止唐以下皆刺取而未筆削病中常以為憾余以史家類以絕續而卒業解慰之易簣時屬其友李岳蟠如湘謂於余有

平生知己之感屬為叙之其家刻稽古以行春秋亦在謀刻未知能就緒否也

常甯圖記四卷嘉慶縣志

李繼聖序峇峇表王子霍霖廣窮地理諸家言而作常甯圖記凡封建之所屬沿革之所由古水名山之所絡奇區異跡之所藏與夫帝王巡幸之所底猶尚源委之所判莫不援據確鑿

段峻生廣輿形勢論嘉慶續志

王國牧湖南陽秋續編十三卷嘉慶通志國牧萬樹之子萬樹撰湖南春秋自

秦至隋止國牧續成之乃錄春秋十六卷為正編而以稽古為前編且更其名曰陽秋

王紳史讀三十二卷湖南陽秋釋地十四卷嘉慶通志

段永斗史抄正論嘉慶續志

吳山簡蜀碧紀年二卷嘉慶續志

同治常甯志卷九藝文九

張廷點歷史要覽十卷嘉慶續志廷點字魯堂諸生

李文昊聽嚶堂書目二十卷沅湘耆舊集李廷賢廣豐艾東鄉來遊甚被賞異李氏世有藏書實權輿於此文

吳為繼聖之孫居洋泉藏書甚富逆猶趙金隴之變盡舉而委於湖湘逸事四卷沅湘耆舊集

李德鸞洋泉平糶紀略一卷

唐訓方從征圖記訓方字義渠詳選舉

何紹京序畧公品端性豪少負大志才學識迥異齊輩壯歲舉孝廉游京師五載不附權貴僅得教職歸值洪逆肆擾士寇蜂起公忿率鄉兵擊賊殲旃曾滌生爵相偉之時督師下東南堅邀入營公始奮然投筆力任勦賊謀勇兼備所向克捷賊畏之如虎公美鬚髯共目為唐鬚子軍至輒望風遁公提兵十餘年經數百戰靡不親臨前敵為士卒先積功洊擢監司命履方伯任克復鄂垣皆公力鄂民依如父母亟

以慰眾望 旋撫皖撫鄂公既離戎幕蒞民事遂盡心學
畫一切安民察吏興利除弊鋤奸發伏惠政不可勝舉
民爭立石頌功德公餘友人偶詢及從前戰事略為述
梗概聞者已色舞神飛喜而為之圖圖成索公記之蓋
隨意游戲之筆聊舉數端以畱雪泥鴻爪耳若實紀歷
年戰績縱數百圖記亦難縷罄即如痛洗張落刑巢穴
預剪苗沛零羽翼固余所稔知稔聞者圖記何曾及之
書曰不矜莫與爭能不伐莫與爭功惟公有焉所最奇
者文章翰苑之才忽側身行陣兵戈戎馬之後復綜領
封圻文經武緯無往不宜古孫吳韜略韓范經濟直以
一身兼之不益信其才學識之迥異儕輩耶
他日圖畫凌烟勳銘鐘鼎胥於此圖肇之矣

明段一鶚續經史匯義嘉慶續志

國朝段永雋讀經史存心論嘉慶續志

段紹星小仙經史雜著嘉慶續志星字夢白諸生

詹運昌鑑畧垂珠十卷運昌字容齋諸生

同治常甯志

卷九

藝文

十

子類

宋龔蓋卿池州語錄朱子全書正性篇 反誠篇嘉慶縣志

王居仁質疑篇嘉慶通志

明周福昌卹刑劄子嘉慶通志

王志清性理解沉湘耆舊集王守仁書王天宇卷徐
矣今年春始與相見於姑蘇話通宵益信曰仁之言天
字誠忠信者也才敏而沈潛者也於是乎慨然有志於
聖賢之學非豪傑之士能然哉出茲卷請予言予不敢
虛則為誦古人之言曰聖誠而已矣君子之學以誠身
格物致知者立誠之功也譬之植焉誠其根也格致其
培壅而灌漑之者後之言格致者或異於是其所以植
根而徒培壅焉灌漑焉做精勞力而不知其終何所成
矣是故聞日博而心日外識益廣而偽益增涉獵考究
之愈詳而所以緣飾其奸者愈深以甚是其為弊亦既
可觀矣顧猶泥其說而莫之察也獨何歟今之君子或

疑余言之為禪矣或言予言之求異矣然吾不敢苟避其說而內以誣於己外以誣於人也非吾天宇之高明其孰與信之

國朝蕭洪治字字金註解 雪心賦發揮 金玉圖傳

與能 羅針解 嘉慶縣志

王應章南岳高僧傳 嘉慶縣志 應章字闇公嘉禾訓導

劉禹智大衍圖 嘉慶縣志

王名成性理解 敬業齋日記 嘉慶通志 敬業齋遺訓 嘉慶縣志

段昌總惜陰錄一卷 嘉慶通志

段嗽生大極圖說 嘉慶通志

李繼聖尙論編一卷 老閑雜錄十卷 嘉慶通志 常甯土語

同治常甯志

卷九

藝文

十一

一卷 嘉慶縣志

段梧生六六篇 嘉慶縣志

王萬澍有極元微 嘉慶縣志

袁義現懶雲子 嘉慶通志 入集部

張羽續述異記 嘉慶縣志 字鶴翎諸生 羽

段海生聽鸚記 嘉慶續志

王國牧羅經性理發揮 嘉慶續志

段永雋性理要旨 守慎別墅箴 嘉慶續志

王紳四堂答問 嘉慶續志

吳堂崇惺心錄 嘉慶通志

百序卷古人戶牖有箴盤孟有銘其在孔門曰三復白
圭曰書諸紳曰終身誦之皆佩服明訓觸目警心之義
昏愚如予豈能上窺聖奧然心之神明聖賢同
歸也制外養申出入時省庶幾韋絃之佩云

吳山岱類府聯珠三十卷嘉慶續志

段騰曜性理精言嘉慶續志

張鉉荔山隨抄

唐成珀息聞子內外編十二卷嘉慶續志 成 珀字松溪增貢

吳山簡性命正旨嘉慶續志

段大昕見聞雜錄嘉慶續志 大 昕字曉堂諸生

李文昊味餘雜鈔四卷沅湘耆舊集

李澤時氣集要六卷 天學啓蒙二卷

同治常甯志 卷九 藝文 三

李德騫森公日鈔二卷

郭亮生痘痲心經亮生字 顯章

郭子鼇濟世驗方一卷

陳亮工警心錄二卷亮工字勉 恩貢

吳觀光在山子觀光字耿 齋舉人

僧淨訥原宗辨謬沅湘耆舊集 嘉慶通志作安 仁僧以安仁王氏子也詳仙釋

時間答 宗門別調嘉慶縣志

集類

宋許玠東溪詩稟宋詩 紀事

劉克莊題許玠之詩稟詩我留鳶跼外居住雁迴邊走
僕行千里敲門授一編真妍非粉黛至巧謝雕鐫何必

跋之謹案宋詩紀事許玠襄邑人而劉克莊詩君住雁迴邊以初寓衡州言也戴復古有常甯縣訪許介之詩樂雷發有常甯道中懷許介之詩以終家常甯言也

明段晉錫鬪雞草嘉慶通志

國朝王祚隆塵餘集嘉慶通志

百序畧居嶽麓書院五載過道鄉閱禹碑登雲麓還憩高明亭眺天馬之隆崇聽湘流之浩淼或風來曲水或月到泉亭神生興發輒走筆數千言又或對境沈吟終日不成一字中有所得命及門諸子記之前所往來題咏已入長沙行吟三集

一峯遺草二卷沅湘耆舊集

五世從孫宗駱跋畧高伯祖一峯公生勝國末經史諸子百家兼綜條貫一時名動公卿所著嶽麓草牛山草

同治常甯志

卷九

藝文

十三

長沙吟桑陰晚嘯荆游唱和洞庭雜咏不至於殘缺者命猷章諸兒重校付梓

劉嗣沅粵遊草嘉慶縣志 嗣沅

徐甫源序畧余攝篆常甯劉君來謁懽若故交迨造訪得讀其集高古典雅迥然機杼自成一家言嘗自題其

齋日著述心閒憑好鳥揮毫賦就樂新篇足徵生平研鑽搜輯

周玠菊園詩集嘉慶縣志 玠

江漣對山贖技嘉慶縣志 漣字且

劉禹智南莊詩集沅湘耆舊集

鄧孝子挽詩一卷嘉慶縣志

劉禹智鄧孝子傳鄧聯揖字爾宜常甯西河人父鳴字懷聲世業儒兄掄弟聯拭聯揆皆名士爾宜弱冠遊泮工詩文天性友于氣節豪爽吳逆樊于衡餘賊走永道經常甯爾宜偕父兄避亂山中弟聯揆姪啓科孫石妹

弁讀書附志周益公嘗就詞古離別出塞曲四篇而

及從兄聯陞子辰科途被兵擄舉家號泣爾宜思解父母憂懷金而前冒矢石觸鋒鏑得聯揆啓科歸以不得辰科石妹復懷金而前見穆將軍問有室家否以未娶對穆將軍疑之命殺於北門外臨刑猶曰使辰科石妹得還吾死亦無憾天乎何使吾不得行其志乎兄掄等其屍葬之邑人士為詩以弔焉

殷銘浴日文臺

沅湘耆舊集

宜陽詩選殷銘讀書雲巖為文蒼古幽奇邑令張鹿牀衡陽王薑齋兩先生序其文行世鼎革之初文獻鮮存與友人劉綸創修邑乘後事者甚賴之

段巘生棗竹園文集詩集

沅湘耆舊集

國朝詩人小傳畧柱湖先生負天人姿過目成誦欲以經術濟世務如天文星歷之書地理堪輿之術與夫本草醫藥句股算法靡不原本本坐而言起而可行

詹文彬詩文集十四卷

嘉慶通志

同治常甯志

卷九

藝文

十四

朱應瑞梅花千詠

嘉慶通志

儲大文序畧同年輯五朱君家楚之南雅嗜梅成梅花千詠其視劉後邨高青邱之梅花詩不少遜

李繼聖尋古齋文集四卷後集十卷

編

皇朝經世文

尋古齋詩集八卷續集一卷

沅湘耆舊集

張庚振南別傳畧振南為文幽思雋筆而氣復灑瀚善變化至平至奇合讀者揣摩無自博通經史諸子古文從學者踵至常偕弟子挾策登高峯哦誦為文章往往列水次屬草又好獨秘山腰叢棘中吟詩弟子亦不能蹤蹟也

詹成環梅莊雜著

嘉慶通志

宜陽詩選成環字道周邑諸生貧苦清高讀至老不倦營梅莊別墅於菱潭因以自號有梅莊雜著永郡太守謝公仲玩雅敬之為敘其篇梓以行

段梧生西山詩集

沅湘耆舊集

九十春光詩

鴻博試卷

縣志 謹案省試鴻博有岳麓山賦黔苗平曲洞庭石

臺新建 萬壽宮上梁文連珠七質擬天台仙人洞

中宴劉阮致語 湘江觀競渡詞湘靈鼓瑟詞九疑山賦擬教官加品俸謝表

岳麓山賦惟大造之鍾靈兮炳鷄尾而光南服建赤帝

之微幟兮幹坤輿而迴地軸疊嶂紛馳崇岡角礪三十

六灣之陽七十二峯之足亭碕礪而干霄朗晶瑩其韞

玉跨洞庭而盤錯控蒸湘以句束岬岵嶠嶠實為岳麓

坐鎮荆楚上映璣璿東指吳會西挾渝川九疑駁礪而

擁乎後大江濟沅而橫於前既醜而峭若虎踞或偃若龍

蜿蟺或分若蝮斷或合若蟬聯或蹲若虎踞或偃若龍

眠黥嶢暖靠礪礎鉤牽葱蔥鬱鬱落落合合如迎如送

不襲不沿近扼其標時何礪乃遠餐其色秀則嫵然圭

峯雲母兮隸其左臂金盤斬江兮環乎右肩迴雁礙日

兮翻慚後勁天馬嘶風兮倒揭中權雲麓金牛兮供其

指使石廩紫蓋兮藉其藩宣有石拜岳有坳陀船危危

峭壁落落懸泉蕩胸雲海搔首青天爾其勾芒布合大

皦執規恬恬風冉冉旭日遲遲若花繡錦淵柳抽絲曲池

水暖峻谷霞迷佳樹歲蕤而擢幹修篁窅窅以搖枝四

圍之翠欲滴九天之霧巧披燕尾輕排似翦鶯喉巧轉

如吹草自生香非關麝近雲常帶溼可有龍歸風亭嶽

嶽雪觀巍巍規芝孺之駢茁當陟降以采之又若炎官

同治常甯志

卷九

藝文

五

澈射蛟臺萬古嶺嘖四絕堂前參以翠柏百泉軒外
 以雕欄道鄉之正氣浩然原欲補袞論苗之雅化炳
 可匹舞干北海碑鸞迴鳳翥南宮碣雙屈龍盤細懷
 之警帝兮賴大禹之隨刊九州作貢四海安瀾功高
 樓績勒琅玕苔痕蝕綉土漬蒸癢鬼神呵護兮不見
 殘字青石赤兮永鎮岩巒玩崔杜之題咏登朱張之
 壇時宮牆之數仞紛標碧而流丹洵茲山之萃美擅
 院都授生徒東箭南金選之始遍沅蘭湘芷擷馨無
 惟地靈而人傑備清廟之璉瑚宜其遠者之負笈而
 其磋礪礪礪近者之蠟屐而羨其弗鬱威紆望九向
 背而鄉往呼山花鳥為友于也為之歌曰麓山高
 兮楚之墟位南訛兮氣扶輿軫星一子
 兮承天衢千年萬壽兮鞏皇圖
 九崑山賦扶輿磅礴之氣融為川而結為山三島亭
 而秀拔五峯轟轟而高攢疊阜叢岡鬱盤紆而絡繹層
 巒仄嶽綿迤邐而噴噴則有營道之北羅浮之西吟
 巖嶺曰為九崑迫而噴噴則有營道之北羅浮之西吟
 蒼穹而欲逼分翼軫以峙上流控巴粵而鎮楚國屹
 堯兮千層洪崔嵬兮萬丈磋礪磔磔蜿蟺嶧峩峩峩
 橫嶽峯偃仰高不可攀形難為况有若武夷九曲而縈
 迴又如黃河九折而洗滌斜看若山之九華回顧如
 之九向或接或離不卑不抗同德同心相推相讓並
 比肩聯如合掌疑神聖之轆轤不殊形而異狀當游
 卜宅將愛此而入膏肓經王宰之繪圖必列之以為
 障爾其深宵羊腸嶽崑鳥道宗育龍蛇族蕃虎豹喬松
 突兀以千尋怪石玲瓏而萬竅陟降之所難窮樵採
 所不到孤鶴警露以長鳴寒猿悲雨而夜嘯霞蒸氣
 流丹雲覆山以如帽芝苗九光花開四照雷鼓風門冰
 堅雪窖夏蒼翠而欲浮春明媚以如笑秋烟凝而若
 冬嶙峋而崢嶸凡山之四時皆然而按節候於此中
 擬議之未肖况乎仙名羅郁下碧落而徘徊鳥號憑
 出丹州而戾止不知海內之山如九嶷者則幾試造
 與登峯更無山兮可下覽嵩華與岱恆如布碁石而
 磊磊多不盈一拳大不過聚米尺五即去天之程三
 紀盤地之理若夫九水為九山之脈絡九山實九水
 源頭五望洞庭而北注四歸大海以南流逸客鴻儒
 焉景仰高人詰士用是遨遊重岩複澗萬壑千邱邃
 菁林幽不暇接雲梯石磴奇不勝搜峯既斷而復延
 已迷而轉互載盤載旋愈入愈勝杳不知其所之包

蒙而補天豈寄情於短歌寫景於長韻使非坤輿之特
鍾何以駐轍夫大舜歷四千餘年而芳名猶盛洪惟
天子當陽 聖人作觀驟帝馳王登三咸五稽典
故於前朝修明禋於往古 綸音出自 九重盛
禮來乎三楚蓋我 皇大孝如舜至治如虞故遣官
而致羹臠之意爰捧 詔而耀湖湘之區望裏展九
嶷之敬空中聞萬歲之呼爰作歌曰九嶷兮建瓴控引
峯巒兮萬古長青頤指氣使兮衡之靈無山與齊兮嶽
嶽亭亭山雖九兮形則一疑禹之言何其失有姚二女
憶靈匹一彈再鼓雲和瑟惟山有靈兮光我南國望之
欲疑兮嶷嶷其德 天子神聖兮
勳華四塞將封禪兮上茲山而紀勒

段蕙生珠林集 嘉慶續志

吳國瑜藍溪古集 嘉慶續志

段簡生雙田文集 嘉慶通志

詹顯紳少山文集 嘉慶續志

同治常甯志

卷九

藝文

段鈺生白雲齋詩草 嘉慶縣志 鈺
生字勉軒諸生

王萬卷玉涵遺文 嘉慶通志

李如湘序畧玉涵博典籍尤喜濂洛關閩之書偶聚論
則各張一軍至夜分不休或達曙不為疲蓋其得於性
分者清養於 義理者熟

李如湘岳蟠詩文集 沅湘耆舊集岳蟠早負文譽於衡
湘閒錢塘陳兆崙星齋曾為序其

文集仁和張忍齋學使姚成督學吾楚延之入幕襄校
試卷年篤老始以特奏 恩登第蓋亦唐人五老榜之
也 亞

劉笑晴峯古集 嘉慶續志

段永頊竹田文集 嘉慶通志

姚頤序畧初余至楚南諸學博多以文來質於臨武得
一人曰段君竹田於永明得一人曰段君得田臨武之

文高古渾融永明之文精卓堅峭皆能獨出手眼技奇於前人名家之外既而按試永桂先後與兩君晤乃知段氏於常甯以文世其家兩君固從昆弟也衡校之下輒招之論文往往移晷刻

王萬澍勉亭文集

嘉慶通志

賀代伯湘屏文集

沅湘耆舊集

緒廷璋序畧曩視學南楚與其叔季代保代佳嗣子允瑄為文字知己而未及識西亭今春於都中始得讀其所著數萬言氣盛理醇光明俊偉中自然真實可味蓋入唐宋諸家閩奧而能自成一家言者

王萬望峯園遺文

嘉慶通志

江恂序畧吾識峯園於合常甯後吾知峯園在未合常甯前聆其議論風旨溫文爾雅而於文章得失升降之故釐然洞晰

峯園詩鈔

嘉慶縣志

同治常甯志

卷九

藝文

六

段永雋得田文集

嘉慶通志

曹雁序庵文稿

嘉慶通志

崔宏楸竹筠詩集

沅湘耆舊集

陳聖清匯江文集二卷

嘉慶續志

檀萃序畧集中申生論大禮議諸作豈讓古人得一二足以自憑况乎其多也

匯江詩集二卷

嘉慶續志

李穎伊田遺稿

穎字楚材恩貢

宜陽詩選楚材博學強記讀書有特識談論古今事媿媿不倦詩思敏捷擬為溫飛卿所著詩文多燬於火

王紳珍盤堂文集四卷

嘉慶通志

珍盤堂詩集

嘉慶續志

吳山斗閣雲詩草 沅湘耆舊集

詹名實拙亭詩草 沅湘耆舊集 名實字樸齋號拙亭 嶺東南輒多題識已而帖園卒於官扶櫬歸里哀感行路同縣李振南奇其才授以詩法惜以病廢未竟其學

詹名望慎堂文集二卷 名望字若雲附貢

吳山岱竹亭詩草 沅湘耆舊集 宜陽詩選八卷 嘉慶續志

周必煌梅塢詩草 沅湘耆舊集 必煌字瑞亭監生

賀允瑄筠莊小草一卷 允瑄字六溪諸生

段永罕存堂居士集 嘉慶續志

王國甲拾遺山人詩鈔 沅湘耆舊集 山人幼多病棄舉子業遂以詩名風格老到

李知謙愚郵詩草一卷 沅湘耆舊集

同治常甯志 卷九 藝文

同治常甯志

段永頰夢餘詩草六卷 嘉慶續志 頰字同人監生

周必煌序畧集中各體俱備尤長於五七言絕

段永甯者愚集 嘉慶續志 甯字宇靜增生

吳山青昆岩詩草 嘉慶續志 山青字廷簡諸生

段紹章蔚亭詩鈔五卷 沅湘耆舊集

段永罕卿雲小傳畧嘉慶元年特舉孝廉方正縣人同薦卿雲臚列事實長官再四辟召辭不就具豪傑之才

安高蹈之風古所稱隱君子者歟

段紹易者愚續集 嘉慶續志 紹易字學圃廩生

詹名噩玉溪草 嘉慶續志 噩字玉溪諸生

吳山高丁卯編 嘉慶續志

何啓贊序畧予假館宜陽聞吳子月岩賢而好學造謁焉叩其淵源師友與其詩古文字或則纖穠絢爛或則瀟灑清真

唐成珀松溪草 詩文正論 嘉慶續志

易學林卯泉學古編六卷

劉耀准序畧書田先生汲古士也夙負異才不落凡近想時手一編人所難通曉處靡不瞭然於胸為文縱橫在手變化因心蓋得力於先秦者

吳山秀鑑古堂詩草一卷 沅湘耆舊集秀字廷選監生 山 嘉慶續志

劉耀准雅雅堂文集詩集 嘉慶續志

馬倚元序畧簪山余同年友也聚晤京邸欽其風神肅穆言清且綺翹然有古賢哲風嗣余授職翰林贈句云手校應分三品筆頭銜莫厭一條冰蓋以道誼相切刪得雋其後焉者而簪山竟以其詩文鳴

同治常甯志 卷九 藝文 三

唐成珏瑤圃存稿

唐先榮玉齋古集小有園詩草 嘉慶續志 先榮字載昌歲貢

吳山簡青岡詩古一卷 嘉慶續志

李文昊聽嚶堂燼餘文存四卷 燼餘詩存一卷 沅耆舊集

張廷點鐵山文集 魯堂詩草 嘉慶續志

張際雲跋嶽潛嗜學而塞於遇僕僕風塵三十載雜著積行篋欲棄而焚之際雲日不名而名名而不名均之名也實則有開矣何如存其實於己而名不名聽諸世乎鐵山者號其齋以自號也遂以名集

張西林則古堂詩文二卷 西林字琴材歲貢

張鉉序畧屏山少性卓犖宅衷易直雖寒澹不糊塗因沈恂亦洒落超然塵埃之表望如雲閒矯鶴竊以為於

道有得 應酬存古二卷

張際雲真吾子文章二卷 嘉慶續志 真吾子詩草二卷 沅湘耆舊

集 際雲字

松巖諸生

李德鸞真吾子別傳常甯之碧江有真吾子焉菲屋數椽嘯歌自適年八十餘猶矍鑠鬚髮斑斑眉長寸許不杖走數十里無倦非關養生術其真完也性子諒鯁直遇不平輒奮額切齒譙讓無所忌諱而見人一善遂譽之不吝口人以是知其率真一時賢豪皆願與之交納少習制藝不逐時好有訕其老於童子軍者弗屑也嘗應試門已扁猶與友人論古今詩派弗休或以誤試告亦同聞其淡於進取如此講學里中門弟子取青紫如拾芥而已年四十始籍鬻宮獨以詩古文雄於時每隱几澄思手燃頰底鬚口哦哦聲徹戶外不空諸古人不已或終日不肯成一字既成輒自詫其快意處人莫或詆謀之嘗曰吾詩不禰宋不祖唐不祇漢魏是真吾詩吾文不老不莊不馬不班不韓不歐是真吾文文人因稱為真吾子真吾子遂自名其集

同治常甯志

卷九

藝文

三

王啓絢學古編 嘉慶通志 啓絢原

李榮序文章風格之變豈惟世代之即一人之身前後有不能畫一者譬之蜣螂變而蟬鳴鼠變而禽飛此變之善者也龍謫變而鼉鰓人感變而蛇虎此變之不善者也故少壯奇才磊犖之士其文章風格之進退蓋亦視諸斯矣老友賀西亭自湘南四千里而遙不憚蜀道之難赴余幕中偕予按試行次保甯使署初出周生梅塢三集繼出王生學古編云皆鄉後進之英傑為乞余言以問世者周生已強年其詩格定矣顧王生有志乎古文者而年未及壯余置之未能詳閱旋趨順慶於舟中檢閱之見其矯秀高騫吞吐出沒如夏雲多奇如秋日山陰道上煙嵐萬狀欲執一體以名之不能也文章不厭變不工王生年少氣壯風格尙未有定冀此後如養其根者實必遂沃其膏者光必華則文章與年進如以滿招損以怠致荒則文又與年退是其變固不可窮然亦視其變之何如耳王生其勉之哉余嘗見升階將上堂者忽退行故階旋降階反向籬籬外亦猶送君者皆自厓返而君自此遠矣王生其勉之哉編名學古余故以初學之義進之遂浣筆於嘉陵舟次轉以質

吾老友 嶽麓草 集唐沅湘耆舊集 集杜 集陶嘉慶續志 回文集

句

李德淑序畧詩之巧者曰回文曰集句二者未嘗兼擅其巧也旭初先生博學善文韻語其餘事前著集句詩贈炙人口茲復採古句可顛倒成誦者集為五七絕回文其巧之尤者乎

吳山祥汲泉古集二卷

趙亨鈞序畧僕洩新平將二年驥雲吳君遺其子以古文一冊相示受而讀之專以理勝實能發前人所未發及覽編末廣含莊記知其坐享泉石之福一汲泉詩草花一本皆有會心殆所謂矜平躁釋者耶

三卷嘉慶續志

段永曇日雲詩草嘉慶續志 永曇字石圃廩生

唐純炳燭草三卷

同治常甯志 卷九 藝文 三

白序畧髫髻即習制藝五十猶役役於科舉後乃從事古人之學古人云暮而好學如炳燭之光因題曰炳燭草

賀允璧竹蔭山齋遺草一卷沅湘耆舊集 允璧字荆山監生

張際雲序畧荆山余表甥也從余學好吟古體即物寓志駘宕俊逸五律秀雅閒參拗音仍復瀏亮渾脫七律音節悲壯少露聲色而氣韻自佳 鳴鶴堂詩集四卷

賀嘉齡序畧族祖荆山能詩長嗣君昌琳獻廷次昌期敬亭次昌萱耀廷亦皆能詩獻廷子際雍哀合刻之取鶴鳴子和之義顏 日鳴鶴堂詩集

王修齡楚詞正義一卷

王百齡菊溪詩古文集六卷

吳成楚靜安軒詩草一卷沅湘耆舊集

李德騫閭壇文稿三卷 古詩攷異四卷

賀齡柄快於是齋遺稿二卷齡柄字且

王竹筠且堂傳畧家貧性豪喜飲善屬文日以是稱快遂題所居曰快於是齋

易兼三如心堂詩鈔四卷兼三字兩之

吳觀光星江古集觀光字耿齋舉人

吳奎小有天詩鈔五卷奎字榆垣增生

唐訓方序畧榆垣先生於余為表叔行天機清妙胸次開豁其詩品藻山水平章風月與夫酬唱往來咏歌世故莫不有怡然盎然之氣溢於楮墨氣質品學胥於是乎見

郭維城四字啓蒙二卷維城字明軒諸生

王晉湘東草堂詩集晉字桂史

張獻廷貢玉堂集獻廷字瑞卿舉人

同治常甯志 卷九 藝文

百序畧瑞卿純於質純於遇而不純於學束髮受書手不釋卷外閒事畧無干與得館俸供家人衣食外即推解朋友所作詩文脫稿輒忘故雖日有撰著而所存者止十之一焉

賀嘉齡奇癡山房全集十卷嘉齡字蔭園諸生

賀鑑湖賀氏拾遺編鑑湖字靜軒諸生蒐輯其族前輩所遺詩古文都為一編

劉晴川可乎可軒詩文合編六卷晴川字醒石廩生

劉光昱序畧詩文與世運相終始古今之世不同而詩文之理則同古今之詩文不同而原於性情則同性情其詩文根柢乎吾兄醒石先生至性至情悉由天賦其正直是好故發為詩文有真氣其天性灑落故發為詩文有逸致今所作單行古近體積成卷帖同人請出以問世不允曰蒙莊云可乎不可乎不可乎不可吾於此道不知其可耶不可耶其以可乎可軒名集亦聊以自怡不堪持贈之意

李孝經石塘文集十卷詩集六卷孝經字竹溪舉人

郭憲章小瀛洲詩集合鈔二卷 憲章字斌菴優廩生

僧淨訥谷音詩草 沅湘耆舊集

僧啓明賣閒小草二卷 啓明縣西四應山僧慕大義山僧且拙自號續拙

李廷賢愚生遺藁一卷 沅湘耆舊集補列李繼聖之上

李次山百果山房文藁四卷詩藁二卷

唐訓方序略雙江李氏治樸學由愚生而振南而岳泉而閭壇洎結甫五世矣

李次山州縣釋名類編十卷 補列史類

陳士杰序略統分四類語薈百家足補地志輿圖之闕

詹名杞痲證實驗五卷 補列子類

同治常甯志卷九終

同治常甯志

卷九

藝文